

**BOSNA I HERCEGOVINA
FEDERACIJA BOSNE I HERCEGOVINE
ZENIČKO–DOBOJSKI KANTON
KANTONALNO TUŽILAŠTVO
ZENIČKO–DOBOJSKOG KANTONA**

Broj: T04 0 KT 0056159 23
Zenica, 14.10.2024. godine

OPĆINSKI SUD U KAKNJU

-Sudija za prethodno saslušanje-

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

OPTUŽNICU

Protiv:

T. B.,

što je,

Dana 09.11.2023. godine, oko 10,50 sati, u Kaknju, u mjestu B., reon K., Odjel broj ..., prilikom kontrole drvene mase u navedenom odjelu od strane čuvara šuma P. H., silom i prijetnjom da će izravno upotrijebiti silu, spriječio službeno lice P. H., zaposlenog u KUŠ Zenica, Odjeljenje Kakanj prilikom vršenja službenih radnji koje je preduzimao u okviru svojih ovlasti kao čuvara šuma, na način da je, nakon što mu je P. H. saopštio da je vršeci kontrolu dana 05.11.2023. godine ustanovio da je T. B. prevezao svojoj kući jedan dio drvene mase za koju nije imao uplatnicu, kao da je dana 05.11.2023. godine vršio kontrolu i u njegovoj livadi, kojom prilikom je ustanovio da na zatečenoj drvnjoj masi nije bilo obilježja čekića, zbog čega će biti prinuđen da mu napiše dvije prekršajne prijave, odmah počeo galamiti i vikati na P. H., da bi mu tada u prisustvu H. kolega H. Dž. i D. F. više puta zaprijetio riječima: „Ja ću tebi auto zapaliti, te ćeš biti pogubljen i ubijen ko S.O.“, svjestan da na taj način silom i prijetnjom da će izravno upotrijebiti silu, sprječava P.H. u vršenju službene radnje kao čuvara šuma, a što je i htio, pa nakon što P. H. s njim dalje nije mogao komunicirati u cilju preduzimanja daljih službenih radnji i uzimanja njegovih ličnih podataka koje mu nije htio dati i nastavio istim riječima prijetiti, P. H. se udaljio sa lica mjesta zbog upućenih prijetnji bojeći se za svoj život i odmah nazvao PS Kakanj i o svemu ih obavijestio,

dakle, silom i prijetnjom da će izravno upotrijebiti silu, spriječio službenu osobu u vršenju službene radnje koju je poduzeo u okviru svojih ovlasti,

Čime je počinio krivično djelo sprječavanje službene osobe u vršenju službene radnje iz člana 358. stav 1. KZ FBiH.